



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmæ Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

Quòd dominus misericorditer egerit cum hominibus, prohibendo eis
simplicem fornicationem. Cap. IIII.

[urn:nbn:de:hbz:466:1-46161](https://nbn-resolving.org/urn:nbn:de:hbz:466:1-46161)

Quod fatuum sit querere quare Dominus simplicem fornicationem prohibuerit.

CAP. III.

SEquitur videre quomodo illa quæstio sit diabolica & irrisione digna, qua quæritur quare Dñs prohibuerit simplicem fornicationem. Ideò verò diximus eam diabolicam, quia propofita est primo à diabolo talis quæstio, Gen. 3. vbi dixit ad mulierem: Cur præcepit vobis Dñs, vt non comederetis ex omni ligno paradisi? Ideò verò diximus eam irrisione dignã: quia nullus proponeret alicui homini similem quæstionem, qui eum proftulto non haberet. Si veniret aliquis ad aliquem ciuem, & diceret ei, Quare nõ permittis filias tuas prostitui? quare vis eas maritari? Estis vos fatuus? diceret ipse. Quanto ergo potius ille fatuus potest reputari, qui de caelesti rege hoc audet quærare, quare ipse filias suas nõ permittit fornicari, quare vult eas vel castas permanere, vel nuptiis tradi? Præterea, quærare quare Dominus de re sua aliquid prohibuerit, est quærare quare Dominus in re sua aliquid vel aliquod signum dominij tenuerit: quam quæstionem patet stultam esse: vt si quis quærat à rege Franciæ, quare non datis mihi totum regnum vestrum, vt nec aliquod signum dominij retineatis? Ibi permiserat Dominus bonum omne lignum, præter vnum, bene debuisset ei sufficere.

Quod Dominus misericorditer egerit cum hominibus, prohibendo eis simplicem fornicationem.

CAP. IIII.

EX iam dictis patet manifestum esse q̄ Dominus misericorditer egerit cum humano genere, quum simplicem fornicationem prohibuit viris, quia potius voluit eos habere fidele adiutoriũ, quã tales qui furarentur eis quicquid possent furari. Concubina: quæ nesciũt quandiu debent esse cum hominibus, furantur eis quicquid possunt. Cũ mulieribus etiã in hoc misericorditer egerit. Videns enim Dñs q̄ mulieres habituræ essent laborem in portando prolem in vtero, dolorẽ in parturiendo, sollicitudinẽ & occupationem & laborẽ in nutriendo, voluit vitos ante opus carnale eis obligari in iuuãdo eas. Cũ prole etiã misericorditer egerit. Frequenter enim periret proles, si simplex fornicatio esset cõcessa, vt prius ostẽdimus. Cũ toto etiã genere humano Dñs in hoc misericorditer egerit, cuius paci prouidit, Misericorditer etiam egerit cum genere humano, q̄ ab illa voluptate hominẽ cohibere voluit in parte qua nullus vitur nisi valde raro absque peccato. ¶ Ad id autẽ quod obijcitur, q̄ ferẽ totus mundus perit propter prohibitionem illam: Dicendum est, q̄ fortẽ plures perirent, si non esset prohibita fornicatio,

Ff

quæ modo pereant. Quia vel perirent propter nimium amorem quæ haberet ad mulieres. Vehemens enim amator propriæ uxoris, sicut dicit Ambrosius adulter est. Homines enim tunc nimis essent carnales: quia quæ non alliceret una, alliceret altera. Vnde Deu. 17. dicitur de rege, Nō habebit uxores plurimas, ne alliciat animam eius, vel periret propter rapacitatem. Fornicariæ enim mulieres depauperat homines, & fures reddunt: vel propter odium, quando auferretur ab aliquo illa quæ amat: vel propter aliud peccatum quod fornicationem sequeretur. Ad id autem quod obicitur, quod hæc prohibitio est contra multiplicationem generis humani, in parte patet solutio ex hoc quod dictum est prius, quod illæ quæ omnibus supponuntur, steriles efficiuntur. Præterea, Dominus non facit magnam vim in paucitate vel multitudine hominum. Vnde Eccl. 16. Ne iocūderis in filiis impiis, si multiplicentur. Et subiungitur: Melior est mori sine filiis, quam relinquere filios impios. Et Eccl. 15. Non concupiscit Dominus multitudinem filiorum infidelium & inuulium. Scit enim Dominus quod melius fuisset malis mori sine filiis, quam relinquere filios impios. Vnde Dominus bene præcepit vel consuluit illud. Ex quo hoc sequitur, quod pauciores sint homines: quoniam videlicet ad hoc quod plures saluentur, vel ad hoc meliores sint qui saluentur. Vnde ipse consuluit castitatem & virginitatem, & similia. Prohibitio verò fornicationis saltem ad hoc valet, quod perfectiores sint qui saluantur. Nota peruersitatem quorūdam hominum, quibus ibi displicet proprietas. vbi Deo placet, in mulieribus scilicet: & ibi placet, vbi Deo displicet, scilicet in possessionibus.

*De allegantibus impotentiam continentium. PARS VI. quæ
habet duo capitula.*

*De diuersis testimoniis scripturarum contra illos qui dicunt se non
posse continere. CAP. I.*

Vltimo in tractatu de Luxuria, dicendum est aliquid de impotentia continentium, quæ multi allegant. Et primo ponemus diuersa testimonia scripturarum, quibus contra eos qui hoc dicunt possumus uti. Deinde ponemus multas rationes, quibus contra tales utendum est. Et inter testimonia, Primò occurrit illud Gen. 4. quod dicit Dominus ad Cain, loquens de peccato: Sub te erit appetitus tuus, & tu dominaberis illius. Vnde quasi medicum Deo imponunt, qui dicunt se non posse abstinere a peccato. Secundo occurrit illud Job 6. Aut poterit aliquis gustare, quod gustatum affert mortem. Ex quo verbo videtur, quod potius deberet homo dicere,